

RELAŠUVDNAGIERDU

Lea bures dutkosiid bokte duođastuvvon ahte lagas, proaktiiva ja positiiva relašuvdna oahppi ja oahpaheaddji gaskka mearkkaša sakka oahppi loaktimii ja oahppamii, skuvllas. Seammás dat váikkuha kvalitehtii ohppiid relašuvdnii gaskkaneaset. Sáhtta leat váttis diehtit ja mihtidit man lagas ja makkár kvalitehta lea dan relašuvnnas mii dus lea oahppái. Dasa sáhtta relašuvdnagierdu leat ávkin.

Don árvvoštalat guđe ohppiin it leat guhkes áigái gulahallan. Bijat sin namaid olggumužžii ja árvvoštalat juohke oahppi seammá láchkai. Mađe guhkit oahppi lea gierddu olggumuččas, dađe eambo áiggi don fertet sutnje bidjat. Sáhttet maid leat oahppit geaidda lea váttis ásahit relašuvnna. Dalle ferte sin ektui erenoamáš ollu áiggi ja searaid bidjat ja soaitá maid ahte ferte eará oahpaheddjiid/bargiid geavahit aktiivvalaččat. Lea dat profeššunealla oahpaheaddji geas lea ovddasvástádus ásahit ja bargat relašuvnnain.

